

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱՇՈՅՔ
ՀԱՄԱՅՆՔԻ ՂԵԿԱՎԱՐԻ
2025 ԹՎԱԿԱՆԻ ԲՅՈՒՋԵՏԱՅԻՆ ՈՒՂԵՐՁԸ**

Հայաստանի Հանրապետության Շիրակի մարզի Աշոցք համայնքի 2025 թվականի բյուջեն մշակվել է՝ հիմք ընդունելով Հայաստանի Հանրապետության Շիրակի մարզի Աշոցք համայնքի 2022-2026 թվականների հնգամյա զարգացման ծրագիրը, 2025-2027 թվականների միջնաժամկետ ծախսերի ծրագիրը և 2025 թվականի տարեկան աշխատանքային պլանի նախագիծը ինչպես նաև հաշվի են առնվել համայնքում ընդգրկված բնակավայրերում առկա խնդիրներն ըստ լուծման առաջնահերթության:

Հայաստանի Հանրապետության Շիրակի մարզի Աշոցք համայնքի գործունեության արդյունավետությունը կախված է բյուջետային գործընթացի ճիշտ պլանավորումից, բյուջեի եկամուտների հավաքագրումից և միջոցների նպատակային օգտագործումից:

Համայնքի բյուջեի կառուցվածքը տեղական ինքնակառավարման մարմինների կողմից իրականացվող լիազորությունների և դրանց համապատասխանության ապահովման անհարաժեշտությունից ելնելով բաժանվում է վարչական և ֆոնդային մասերի: Եկամտային կանխատեսումներն ու ծրագրավորումներն իրականացվում են յուրաքանչյուր մասի համար առանձին: Համայնքի բյուջեի պլանավորումն իրականացվել է համեմատական մեթոդով, որի ժամանակ հիմնվել ենք 2024 թվականի ընթացքում փաստացի համայնքային բյուջե մուտքագրված եկամուտների հոսքի և առկա բազաների հիման վրա: <<Բյուջետային համակարգի մասին>> Հայաստանի Հանրապետության օրենքի պահանջներին համապատասխան ձևավորված վարչական մասի պահուստային ֆոնդը նախատեսվում է օգտագործել բյուջեով չկանխատեսված ծախսերի կամ նախատեսված ծախսերի լրացուցիչ ֆինանսավորման և համայնքում կապիտալ ծրագրերի ֆինանսավորման նպատակով:

Հայաստանի Հանրապետության Շիրակի մարզի Աշոցք համայնքի զարգացման հիմնական ուղղություններում առաջնահերթ և գերակա են համարվելու դեռևս չկատարված, շարունակական և նոր ծրագրերը, որոնք միտված են լինելու համայնքի տարածքային համաչափ և կայուն զարգացմանը, բարեկարգ, հարմարավետ և մատչելի միջավայրի ձևավորման շարունակականության ապահովմանը, համայնքային ոչ առևտրային կազմակերպությունների արդիականացմանը և զարգացմանը, բնակչության կենսական շահերի ապահովմանը, ինչպես նաև համայնքի գլխավոր հատակագծին համապատասխան քաղաքաշինական ծրագրերի իրականացմանը:

2025 թվականի Աշոցք համայնքի բյուջետային տարվա համայնքի զարգացման հիմնական ուղղություններն են՝

- Բարելավել համայնքի ֆինանսական վիճակը՝ ճշտելով անշարժ գույքի և փոխադրամիջոցների հարկերի բազաները և բարձրացնել սեփական եկամուտների հավաքագրման մակարդակը:
- Բարձրացնել բնակչությանը մատուցվող համայնքային ծառայությունների մակարդակը և որակը:
- Իրականացնել կրթության, մշակույթի և սպորտի բնագավառների համայնքային ենթակառուցվածքների պահպանման, շահագործման, նորոգման, ջեռուցման համակարգերի վերականգնման, գույքային վերազինման և այլ աշխատանքներ:
- Կապիտալ ներդրումներ կատարել համայնքի ջրամատակարարման, գազամատակարարման, ճանապարհային տնտեսության և այլ բնագավառներում:
- Աշխուժացնել համայնքի մշակութային, մարզական եւ հասարակական կյանքը:
- Իրականացնել սոցիալական տարաբնույթ ծրագրեր:
- Իրականացնել արդյունավետ և թափանցիկ կառավարում:
- Խթանել համայնքի սուբվենցիով, ներդրումային ծրագրերին մասնակցային կառավարման մշակույթի ձևավորմանը:

Դիմում եմ համայնքի բնակչությանը, համայնքի ավագանու անդամներին, համայնքապետարանի աշխատակազմին, համայնքային ոչ առևտրային և հասարակական կազմակերպությունների աշխատակիցներին՝ շահագրգիռ մոտեցում ցուցաբերելու համայնքի 2025 թվականի բյուջեի միջոցների գոյացման, դրանց նպատակային օգտագործման, բյուջեի կատարման և վերահսկման ուղղությամբ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՇԻՐԱԿԻ ՄԱՐԶԻ ԱՇՈՅՔ

ՀԱՄԱՅՆՔԻ ՂԵԿԱՎԱՐ



Կ. ՄԱՆՈՒԿՅԱՆ